

# Anpao Kin

THE DAYBREAK.

BUREAU OF  
AMERICAN ETHNOLOGY  
1900  
LIBRARY

"Wankantanhan Anpao kin hiyouhipi."—Luke 1. 78.

VOL. XVI

FOREST CITY, SO. DAK., APRIL, 1900.

NO. 6

## ANPAO KIN.

REV. E. ASHLEY  
REV. W. J. CLEVELAND } Editors

ANPAO KIN wi iyohina, wiyawapi anpetu tokaheya eca mazaakdirpeyapi.

WI XAKPE on kapi, qa wi iyohina akezaptan (15) aokpani xni, ptayena partapi. wicacaje wanjina ekta hiyukiyapi kta empi kinhan, icupi kin iyohina kaxpapi wanji (10c) on kajujupi kta.

WIXAKPE on kapi, qa wi iyohina wanjina icupi kta ciupi kin, kaxpapi wa ji sanm okise (15, on kajujupi kta.

Icupi xni itokab kdajujupi kta.

Wowapi askabyapi maxaxana wanji qaix nonpa owapi kin, mazaska eekiya, ANPAO KIN opeton okitipi kta.

Tuwa wowapi kagin kte ca wowapi skasani el'owa kta.

Opetonpi kta wowapi hiyukiyapi qaix ad taku oyakapi kta ciupi na hiyukiyapi ca, wowapi jaha akaud eeced owapi kta.

REV. E. ASHLEY,

CHEYENNE RIVER AGENCY, S. D.

### Yawaxteya Cajeyatapi Wowapi Wan.

ANPAO KIN icikoyagunyanpi qa wicorati waxte econ iyompaxtakapi kta wookili yuha. Okolakiciye-wakan opapi tka ahahaya dpti kin, hena iyohani taokiyewaxte heca kta. Bixop wani kin eciya tanhan, taku ecamon onxpaxpa oyakapi qa taku bduotanin kta wacini kin hena owasi, qa Tipiwakan iyaza omawani woyakapi kin hena, qa nakun Okolakiciye-wakan kin wotanin tawa tokiokeca ed kagapi kta. Orate nukitawapi kin owasiu ANPAO KIN icupi qa sanm wicaxa tokeca wicacuppi nia ecanmi.

W. H. HARE,

Yewicaxipi Bixop

### Wocekiye Wakan kin.

Wakantanka Taokolakiciye el wocekiye wakan wanji iyotan unqupi na heon etanhan wocon wakan unkeyapi. Wagna wotapi etanhan econqumpi kin he Itancan unyanpi kin Jesus Christ iyecubein unqupi. Eya Tawocekkiye—"Ateunyanpi kin"—nakun unqupi na tohanena waceunkiya-pi kinhan he unqonpi kta ce eye. Aiyotan wocon wakan wanji unqupi na tohan Wakantanka ohounlapi kta mniunkiciyapi ca wocon kin he iyotauunlapi kta kta iyececa (Ohan. 2: 42; 20: 7; 1 Corinth. 11: 20; Heb. 10: 25).

Wocon wakan kin he caje ota on cajeyatapi:—

1. Wagna Wošnapi eyapi, tuktel yuwakanpi kin eciyatanhan on eyapi (Matt. 5: 23, 24; Heb. 13:10).

2. Christ We na tancan kin; wocon kin le el Wagna wošnapi akan Wanikiya unkitawapi tancan na we kin el un kin heon (1 Corinth. 11:27).

3. Eucharist-Wopila-eyapi. I-

cin wocon kin he wopila eyapi wošnapi kin heca. Wowapi wakan kin el hecel wocon kin he cajeyatapi (1 Korinth. 14: 16; 1 Tim. 2:1).

4. Mass kin. Saglaša Okolakiciye Šina Sapa etanhan igluacetu iyohakab tawocekkiye wopila tokaheya el hecel cajeyatapi. Tka ohakab wocajeyate cin ayuštanpi, eša Christmas eyapi kin nahali ikoyake. Šina Sapa nahalici hecegna na ecela se ognayan cajeyatapi.

5. Itancan Rtayetu Wotapi kin; icin he el Christ Tancan na We kin unyutapi na unyatkanpi.

6. Okolakiciyapi kin; icin he eciyatanhan Christ kici wanjila untagapi, na Christ unkipi wanjila kagapi (1 Korinth. 10:16)

7. Liturgy-Cekiyapi; wocekiye wocon wan Wakantanka wicacuppi kin he, na he ogna-Wošna kaga Tawa kin waeconpi ece (Ohan. 13:2).

Taku topa on econpi ece. (1) Wakantanka toyuonihan na to witan on. (2) Wopila wošnapi kin on. (3) Woalitani wokajuju icupi kte cin on. (4) Wookihi na woyawašte icupi kte cin on.

Wocon kin le econpi kin ohinni el lapi kta iyececa, na Christian benicapi kinhan yušna šniyan el yaipi kta. Wocekiye ocon unma tukte iyonicipipi kin he yakalnigapi kte, naiš tohan iyonicipipi kinhan wacekiya ya-hipi kta iyececa šni. Tohan Wocekiye Wakan econpi kta he wawinugapi kta iyececa, na hel yaunpi kte cin ohinni nigluwiye-yapi kta iyececa.

### Provincial Chapter kin.

Lower Brule, S. D.,

March 13, 1900.

My Dear Brothers :

Hekta Sept. 15th kin el Ihanktonwan oyanke el Convocation mniciyapi icunhan nakun "Provincial Chapter" omniciye econpi na el ake wayuštanpi. Na "Lakota Wicaša Wakan" unpi kin hena ake wamnowicayakiyapi kta eyapi. Na he miye anaye mašipi. Yuncan he wana tehan on wowapi kage šni manke, tka he awaktonje šni waun, na on Itancan kin cewakiya ececa. Eya cin oyanke kin lel Lower Brule kin lel taku wotehi wan el unkipi, heon takuni el-ewacin šni se waun. Icin Tipi Wakan tanka "Holy Comforter"

eci-yapi kin ataya ile on hinhpaye hee. Nakun el St. Andrew's Charter kin koya hūhnaga, nakun miš wocekiye wowapi na olowan wowapi koya henala. Canke he on icante šica waun, na tohanyan Tipi Wakan kin he ake piya kagapi šni kin hehanyan on ipimičila waun. Eša lehanl wanna ataya tanyan yuštanpi na on wopila tanka miš bluha.

Yuncan lehanl wani selececa, canke le wayuštanpi kin on ececiyapi kta awacanmi ye lo. Heon eciyeci-yapi kin anamayagoptanpi nin ecanmi, na mazaska mayacuppi kta ca canteyuza po; na Lakota wicaša wakanpi kin wicakiksuyapo, na wamnowayanpi kin el wakicunpi ye. Nakun wicašapi kin heyapi-Wicaša Wakan icagapi kte cin on- tka miš kepece šni. Wanna tona nitokab najinpi kin hena on wamnowayapi kta ca aičiciyapi ye. Lehan Lakota Wicaša Wakanpi kin akenonpapi cetupi ce hena on wamnowayanpi na mayacuppi nin.

Hehanl Tipi Wakan unkitawapi kin he ecel yuštanpi kin heon lila pilaunyanapi onyakiyapi kin on. Tuwa heye maši šni tka miye inila manke owakihi šni on hepe. Henala, tanyan yaunpi nin ecanmi.

Nisunkapi kin miye

Clark Spotted Bull.

### OKOLAKICIYE WAKAN WOTANIN.

China makoce kin ekta Yewicasi-pi on wowaši econpi kin-Bishop kin, China Wicaša Wakan na Catechist unpi kin iyuha ptayela omniciye wan econpi na wicohan tawapi tokel sanpa icahye pica kin iwoglakapi.

Hekta Feb. 24 he ehan Chicago obašpe kin on, Rev. C. P. Anderson, Coadjutor Bishop un kta e yuwakanpi.

Iyehan Portland, Maine, ekta St. Luke's Cathedral el, Rev. Mr. Codman Maine obašpe on Bishop un kta yuwakanpi.

New York otonwe el Yewicasi-pi on wokiciglakapi kte cin on, Okolakiciye unkitawapi etan Bishop šakpe, Presbyter šakpe na wicaša yamni el unpi kta e wicakalnigapi. Eya akam el ya-pi na wanahonpi kta wicotapi kta naceca tka lena kabnii opapi kta.

Bishop Whittaker tuwa Cuba

ekta inahni wawanyag šipi qon wanna gli na taku tona ableze cin he oglaka. Yuncan Cuba el Wicaša Wakan tona škanpi kin hena tanyan wowaši econpi kta wicayuoatapi kta iyececa, nahan Tipi Wakan kipiya kagapi kta ca mazaska 25,000 aokpani šni wicacuppi kta iyececa keya.

Hekta Feb. 14 qon Saglaša makoce ekta Archbishop of Canterbury kin, he Rev. J. J. Johnson, Ha sapa wošna kaga heca, Africa makoce el, Lagos obašpe kin on Bishop ookiye un kta ca yuwakan.

Lecala wicaša wakan tona šipi na hena wicaša okinihanpi kin hecapi. Hetanhan Revs. Nichols, Rensselaer, Harrison na Millette. Ehake kin he hekta omaka 1877 wanji kici Peselcin Deacon kagapi kta e wiyunga.

Bishop Hare wiyobiyapanata omani na takuku igni un. Yuncan Tipi Wakan wanjikji el Winyan Omniciye kin hena wicakiyaka. Nahan tohinni Pennsylvania Owayawa wakan-tuya el tipi wanji kagapi kte cin on inyan oise eglepi qel Gen. Miles econ kin icunhan Bishop Hare kicopi na wocekiye econ šipi.

Philippine Wita ekta wakan cekiyapi wicohan kin oškiške selececa. Icin makoce kin na oyate kin waniyetu ota Spaniola tawayapi icunhan Šina Sapa Okolakiciye el škan, na makoce tanka heca tawa iglawapi, mazaska woyawa tanka wikcemna nom kipiya. Yuncan lecala hecegla he-nakeca yuhapi kta, na wicaša wakan owe Friars ewicakiyapi el unpi na oyate egna unpi kte keyapi kin on, Filipino oyate siglapi na wicalapi šni keyapi. Okolakiciye unkitawapi kin lehan heciya škan na woowotanla ogna onspewicakiyapi keyapi.

Hekta George Washington-Tunkanšilayapi tokaheya-tonpi anpetu kiksuyapi qon na otonwe ota el wokiksuye kin ogna waeconpi icunhan, Puerto Rico el econpi. Icinhan omniciye yuhapi na hel Šina Sapa Bishop na Bishop Whipple (Pehin hanska woglakapi. Nopin tantanyan woglakapi na oyate kin he Milahanska tawicohan on okalniliwicaye keyapi.

Tokata April 19th kinhan New York otonwe kin el Bishop oya-sin mniciyapi kta. Alabama obašpe etanhan Bishop ookiye yuhapi kin wicohan tawa enakiye cin, na hecetukilapi kta naiš toketu kinhan iwoglakapi kta.

# THE DAYBREAK.

REV. E. ASHLEY  
REV. W. J. CLEVELAND } Editors

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription is 30 cents per annum in advance and may be paid in one or two cent postage stamps.

Single subscriptions for six months, 15 cents.

Fifteen or more copies to one address for six months, 10 cents each.

All subscriptions and matter for publication should be addressed to

REV. E. ASHLEY,

Cheyenne River Agency, S. D.

## Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notices and accounts of my official acts and visitations. I hope our people will take it and circulate it.

W. H. HARE,

Missionary Bishop

Entered at the Postoffice at Forest City, South Dakota, as second class matter.

Published at the office of the FOREST CITY PRESS, Forest City, S. D.

## OKOLAKICIYE WAKAN WIYAWAPI KIN

April wi kin.

1. Lent el Anpetu Wakan Iza-  
ptan. Nakun Passion Sunday  
eyapi. . . . . To
2. Lent el Anpetu Wakan Isa-  
kpe. Nakun Palm Sunday  
eyapi. . . . . To
9. Easter itokab Monday kin.  
Akilhanpi anpetu.
10. Easter itokab Tuesday kin.  
Akilhanpi anpetu.
11. Easter itokab Wednesday kin.  
Akilhanpi anpetu.
12. Maunday Thursday eyapi.  
Akilhanpi anpetu
13. Friday Waste. Sapa. Aki-  
hanpi anpetu
14. Easter itokab Itayetu kin.  
To. Akilhanpi anpetu
15. Easter Anpetu. Ska.
16. Easter Anpetu Wakan el  
Monday. . . . . Ska
17. Easter Anpetu Wakan el  
Tuesday. . . . . Ska
22. Easter iyohakab, Anpetu Wa-  
kan Tokaheya kin. . . . . Ska
25. St. Mark Taanpetu kin. . . . . Ska
29. Easter iyohakab, Anpetu Wa-  
kan Inonpa kin. . . . . Ska

### Wotanin-waste Ayapi On Wocekiye.

Anpetu iyohi wicokaya he cin. ehan  
heyapi kta:

Wanikiya waste isto wacantki-  
ya nitawa kdugad, canicipawega  
akan otkeyahan yaun tka qon,  
maka akan wicasa un kin owasin  
Niye ekta etonwanpi qa niwica-  
yapi nunwe. Amen.

## OKOLAKICIYE WAKAN WIWICAWAN- GAPI KIN.

Woonspe Iwikcemna Zaptan sanpa nonpa

Iyaonpepica sni Taanpetu kin.

W. Iyaonpepica sni taanpetu-  
pi wokiksuye cin he tohantn he.

A. December wi wiyawapi wi-

kcemna nonpa sanpa saglogan  
hehantu.

W. Le anpetu kin on tokel ka-  
pi he.

A. Wotanin waste el, taku wan  
tehike oyakapi qon he kiksuyapi  
kte cin he.

W. Tokaca Christmas ohakab  
ikiyela ostanpi he.

A. Wanikiya unkitawapi tonpi  
qon hetanhan taku tokaheya tan-  
ka econpi kin, na wakanheya kin  
hena Christ on tokeheya martyr  
tapi kin heon.

W. Iyaonpepica sni kin lena  
tokel tapi he.

A. He ehan Herod, Juda el  
wicasyatapi un, na wicasa ksape  
cin wokiyakapi na Tuwa Juda  
oyate on wicasyatapi kin toki  
tonpi he wiyungapi kin on, iye  
wowaake tawa iyujuju kta e iko-  
pa.

W. Hecei Herod taku econ he.

A. Jesus hokscicala yuzin kta  
cin.

W. Okihi sni qon hehan taku  
econ he.

A. Awicakeya Christ ktepi kta  
on yewicasi, na Bethlehem na  
makoce igluskun hokscicala oya-  
sin wicakte, tona waniyetu nonpa  
na ihukuya iyacinyan.

W. Herod taku econ kte cin  
on tokel Wanikiya unkitawapi  
nakipa he.

A. Joseph, Wakantanka econsi  
ogna, Jesus, hunku kici icu na  
Egypt ekta iyaye, na Herod te  
sni hehayan hel yanka.

W. Leconpi kin on tuktel wo-  
kcanpi, wan yucetupi he.

A. "Micinksi Egypt etanhan  
weco." Hosea 11:1; Matt. 11:15

W. Herod tosiçe kin on tokel  
kakiya he.

A. "Makošica na wokakije ota  
on kastakapi."

### St. Paul Yuhomnipi kin.

W. St. Paul yuhomnipi kin to-  
han Okolakiciye Wakan kiksuya  
he.

A. January wi wiyawapi wi-  
kcemna nonpa sanpa zaptan he-  
hantu.

W. Tokaca St. Paul Yuhomni-  
pi on kiksuyapi he.

A. Wowapi Wakan el wicayu-  
homnipi oyake cin le iyotan wo-  
winihan kin hee.

W. St. Paul he tuwa he.

A. Otokahe Saul eciyapi; he  
Juda wicasa, Benjamin tiyospaye  
etanhan, Pharisee owe kin opa,  
na Celicia makobašpe el otowwe  
wan, woonspe wicohan on tanka  
Tarsus eciyapi kin el tonpi.

W. Tokel onspekiyapi he.

A. Anpetu kin hena el woslol-  
ye yuhapi kin iyuha onspekiyapi,  
na he ehan Juda oyate waonspe-  
kiye itancan wan Gamaliel eciya-  
pi he onspekiye.

W. Nakun taku onspekiyapi  
he.

A. Wakeya kagapi wicohan  
kin he; icin Juda oyate kin cin-  
capi owasin wokage wicohan

wanji onspewicakiyapi kta he he-  
cetulapi, hecel wowahpanice nais  
woakipa wan akipapi esa tanyan  
unpi kta iyukeanpi.

W. Yuhomnipi sni itokab  
Christian unpi kin tokel wicaku-  
wa he.

A. Wocanze tanka on sicaya  
wicakuwa.

W. Tuktel tokaheya hecon he.

A. Tokaheya Jerusalem el, he-  
han Wosnakaga itancan kin he,  
Damascus ekta Christian unpi  
kin sicaya wicakuwa kta e woi-  
yowinkiye icila.

W. Canku oagna ye cin, na  
waiapi, tilwicaktepi ko awicapo-  
gan icunhan taku akipa he.

A. Mahpiya eciyatanhan iyo-  
yanpi wan igluskun iyojanjan, na  
mahpiya etanhan wicaho wan  
"Saul, Saul, tokaca sicaya maya-  
kuwa he" eciya.

W. Saul tokel ayupta he.

A. "Itancan nituwa he" eya.

W. Woayupte tokel nañon he.

A. "Jesus-sicaya yakuwa kin  
he miye" eya nañon.

W. Hehan toketu he.

A. Iyoyanpa tanka kin on  
istagonga kin on, he Damascus  
ekta yusayapi na hel yamni can  
akihaniye un.

### Woonspe Iwikcemna zaptan sanpa yamni.

#### St. Paul, mactana.

W. Saul tonwan kta e, tuwa  
ca Wakantanka el yeši he.

A. Ananias eciyapi, he waon-  
spekiye wikcemna sakowinpi qon  
he wanji kecinpi, he nape aputake  
ca tonwan.

W. Hehan taku econpi he.

A. Baptisma qupi, na kohanna  
omniciye tipi oagna Christ he Wa-  
kantanka Cinhintku kin ee ca o-  
yaka.

W. Tokaca wicacaje wan Paul  
eyapi kin icu he.

A. Owekinis caje tani yuhe cin  
on Okolakiciye sicaya kuwa qon,  
he yuha Baptisma icu cin sni na-  
ceca.

W. Jerusalem ekta hi qonhan  
taku, econ kta cin he.

A. "Waonspewicakiyapi kin  
ob un kta cin, tka, owasin koki-  
papi, na waonspekiyapi heca e  
wicalapi sni."

W. Yuhomnipi tka taku on  
cetunglapi he.

A. He itokab Christian sicaya,  
wicakuwa kin he on.

W. Itancan waonspewicakiya  
tawa ohitiya sicaya wicakuwa kin  
wanji unkokiyakapi he.

A. He martyr, St. Stephen  
kin, he tin kta ca iyowinkiya na  
icunhan hel un.

W. Waonspewicakiyapi wace-  
tunglapi qon tokel on togye wa-  
cinyuzapi he.

A. Barnabas St. Paul icu, na  
Wahosiyeypi kin el ahi, na tokel  
yuhomnipi kin he owicakiyaka.

W. Wakanyan yuhomnipi kin  
on taku iyowalyepica he.

A. Wakantanka walitanipi sni  
tanka kin wicakicajuju kta e

ohimni wiyeya un kin he wowakta  
heca kte cin hee.

W. Nakun taku eyepica he.

A. He yuhomnipi kin eciya-  
tanhan Christ wookola tawa kin  
he wowicake ca waayatani kin  
cin he on.

W. Itancan kin he, St. Paul  
on, tokel Ananias eciya he.

A. Waksica kahige cin wanji  
ee, na Caje kin he kcewicasa wi-  
cakani kta heca keya, na heon  
Ikcewicasa Wahosiye Wakan ta-  
wapi kin he cajeyatapi.

W. Tokakije on taku eyapi he.

A. Wahosiye unmapi kin iwi-  
casanpa kakije, yamni akigle wita  
wata kicableca, osni, locinpi, ipu-  
zapi icakije, can on apapi, na in-  
yan on kininpi.

W. St. Paul tuktel Wotanin  
Waste oyaka he.

A. Jerusalem el, Arabia, Asia,  
Greece, Illyricum na Rome el,  
nahap, wiyohpeyata maka opapun kin  
ekta.

W. He ehan makoce wan  
"Wiyohpeyata maka opapun"  
eyapi kin he tuktelu he.

A. Great Britain-Saglasa-ma-  
koce kin ee.

W. On tokel slolunyanpi he.

A. Eusebius, Theodoret, St.  
Jerome na toktokeca woyakapi  
kin eciyatanhan.

W. Watohan St. Paul martyr  
heca ta he.

A. Wanna waniyetu, 68 qon-  
han, Rome otowwe ekta pabaksa-  
pi, Nero wicasyatapi taanpetu  
el, he ehan Christian lila tehiya  
wicakuwapi, A. D. 66 hehantu.

W. Tuktel hapi he.

A. He canku wan-Ostian Way,  
eyapi-opaya, na ohakab hel Tipi  
Wakan owanyag waste waa ka-  
gapi.

W. St. Paul taku wowapi wi-  
cakiyaga he.

A. Wowapi aketopa kaga, na  
hena el, Wakantanka towaonsile  
kin he tokel Juda oyate iyowaja-  
pi hecinhan, he iyecel Ikcewicasa  
iyowajapi kte cin he yawicake.

### Wowapi Wakan Yawapi Wawokiya.

#### Zechariah

1. Zechariah (Jehowa tuwa ki-  
ksuya) he Berechiaah cinhintu,  
na Iddo takojakpaku, (Ezra 5:1;  
6:14). Iddo eciyapi kin he wo-  
sna kaga owe wan he itancan  
heca (Neh. 12:4-16), na wayaka  
awicayapi kin, hetanhan Zechari-  
ah kici gliu, na hecel wokcan  
wicohan tokaheya econ qonhan,  
nahalci koskalaka naceca. Haggai  
kici iyahan un, na iye wokcan  
kin ohakab wi nonpa hehan iwo-  
kean (Zech. 1:1), na waniyetu  
nom skan, na on Juda oyate on  
Tipi Wakan kagapi kte cin, he  
iwacintankawicaye.

2. Wokcan tawa itoketu kin.  
Oyate skakapinpi qon na Haggai  
wicayulica kin, he iyecel kuwa;  
qayaš wokcan okage cin he toke-  
ca. Tipi Wakan kagapi icunhan,  
hanhepi wowanyaka qupi, na  
hena eciyatapan oyate kin wi-  
cohan tanka kin on iyowicapa-

štaka; tuwa waniyetu tona Persia makoce el un-kin on, wowanyaka tawa kin he Persia ohanp on iyacinyan oyaka.

3. Yuwitayapi kin. Wowapi kin le onspa yamni onkiyuspapi: 1. Wico. 1-6; 2. Wico. 7, 8; 3. Wico. 9-14.

Onspa Tokaheya kin he wowanyake owecinhan wanyake-cin he oyaka. Tokaheya Ogligle wakan hadas-myrtle-can egna un kin (1:1-17). Wowanyake inonpa kin, he topa na mazakaga topa kin, he Ikcewicaša woyasu akipapi kte cin he iyacinyan oyaka (Wico. 1:18-21). Wowanyake iyamni, he wicaša wan wiyutapi ikan on Jerusalem otohanayan iyute cin he, na he eciyatanhan, tokel Ikcewicaša, Juda oyate ob opewicayapi kte cin he iyacinyan oyaka (Wico. 2:1-9). Wowanyake itopa. Wošna kaga wicayuskapi kin he na ALETKA wan hinape cin (Wico. 3). Wowanyake izaptan. Mazaska zi pelijanjan kin, na icagla wigli can nom etanhan ojuyapi kin, he eciyatanhan Tipi Wakan kagapi kte, ca iyohakab Okolakiciye Wakan kin, Woniya Wakan, wowitan kagin kte cin he iyacinyan oyaka (Wico. 4:1-14). Wowanyake isakpe. Wowapi wan kinyan un kin, he tona waoholapi šni wato-wicakiconpi kte cin he (Wico. 5:1-4). Wowanyake isakowin. Winyan epha (wiyutapi) el paškipapi na wiyohiyanpata (Šinar) ekta ayapi kin, he wakagapi oholapi yuwanicapi na yutokanpi kte cin he oyaka (Wico. 5:5-11). Wowanyake isaglogan. Canpagnigma topa, mazaša he nom iyokognatanhan hinanpapi kin, he Taku Wakan Wiwicakicigni tawa oiyaye kin he (Wico. 6:1-8). Wowanyake inapciyunka kin. Joshua, wawayušna itancan kin watešlagkicatopki kin, he eciyatanhan, tuwa ALETKA kin, he iye el wicašayatapi na wawayušnapi wicohan kin yuokiwanjipila kin hee (Wico. 6:9-15).

Onspa inonpa kin. Inapciyunka taku wanyake cin hetanhan Zechariah tawokean kin on waniyetu nom oko yanka. Tka, Darius tawaniyetu itopa, B. C. 518, hehan ake Jehowa oie kin el hi. Oyate Bethel el onyanpi kin wicaša nom-Sharezar na Regem-Melek (Wicašayatapi takolaku) na caje yuhapi kin on Ašur iapi on yuhapi kin he wayaka awicayapi opapi qon taniu-he Moses toope kin el tokel akilhaniciyapi kte cin, isanpa appetu toktokeca el nakun heconpi kta hecinhan iyunli wicaši. Wicaša wokcan kin, Jehowa oie kin eciyatanhan awicayupte ca akilhaniciyapi wowicake kin he taku hecinhan owicakiyake (Wico. 7), na tohan oyate ota Jerusalem ekta, Jehowa oholapi kta eyapi eca hehan akilhanpi appetu kin hena wowiyuškin appetu heca on yutokecapi kta oyaka (Wico. 8).

Onspa iyamni kin. Onspa kin le on woawacin toktokeca yukan eša Wico. 9 el tokel tokata Juda Okolakiciye un kta, na wicašayatapi tawa, Wookiye itancan kin u kta, na Israel kakišwicaye etanhan ewicag laku icunhan, Ikcewicaša iye el wicaglamna kta. Wico. 10 el Juda tokel watonka yuha kte cin, he iyecel Israel kici iyowaja kta, Egypt etan glinapapi qon iwastepe iyececa. Wico. 11 el Messiah icupi šni, tka wanyaka wan iyecel yawapi kin heon woiyotaniye kiye akipapi. Wico. 12-14 el tokel ocib woyušan kta na otowwe wakan yuskapi eca oyate hiyeye cin hena, hetu Jehowa oglakapi na oholapi kta hena oyaka.

4. Wowahokiciye teca el cajeyatapi kin he ota. "Wicašayatapi waliwala, šonšonla akan u" (Wico. 9:9) he Matt. 24:4, 5; John 12:14-16 el cajeyatapi. Talica šunka awanyake waste mazaska wikcemna yamni on wiopeyapi kin (Wico. 11:12, 13), he Matt. 17:9 el cajeyatapi. "Hecel miye camapapi kin el ahimatonwanpi kta" (Wico. 12:10) he John 19:37 el cajeyatapi, Nahan Waawanyake tokel ecakiconpi kte con (Wico. 13:7-9) he Matt. 26:31; na Mark 14:27 el oyakapi.

Crow Creek, S. D.,  
March 10, 1900.

Mitakuyepi: Yewicašipi wicohan (Missions) ijehanyan cajeniciyatapi, qa Christian unqunpi kin wicohan iyotan tanka unyuhapi kin de waji e unkoniciyapapi ece. Yewicašipi wicohan en wicayupi kin eciyatanhan wicaša obe yamni yukan. Tokaheya, tona wicohan nina tanka e okalnigapi qa okiyapi kta cinpi hee cin hena eepi. Inonpa, tona tanyan okalnigapi šni eša econwicapi on etanhan wicayupi tawatenyapi kin. Iyamni, tona okalnigapi šni, hecen wicayupi wicadapi šni kin hena. Unkan, ito, obe tokaheya kin etanhan winyan unkitawapi ekna sanpa qa sanpa wicota aye nin ecanmi. He eciyatanhan ociciyapi wacin, qa hecen wi iyohi token owakahi wowapi cicagapi, qa makoce toktokeca ekta yewicašipi wicohan kin eciyatanhan cistinna eša taku ociciyapapi kta. Unkan dehan Japan ekta wicincana cistinna waniyetu šakpe he on taku ociciyapapi kta. Wowapi Wakan kin en oekde waji decetu, "Unkan wakanheja cistinna wan hena yusawicaye kta." De wicakapi e sdonunyanpi. Wakanheja nahan cin šina cistipinan eša, Wakantanka unkiyepi etkiya tawoštédake qa towaonsida okalnigapi. Dakota wakanheja ekta de iwanunyakapi. Unkan wakanheja cantepe kin akiyececapi maka sitomniyan.

Japanese wicincana cajemdate cin he Christian heca. Unkan iye winyan wan Christ sdonye šni heca waji ti kin ekta i qa eciya, "Niye Jesus Christ sdonyaye šni. Miye He sdonwaya qa

ceciyaye kta" ce eya. Heye cin he winyan kin iyokipi šni. Šinkda, qa wicincana kin he cistinna, witkotkoka qa heceken iye eciye kta iyececa šni keya. Wicincana kin tiyata ki qa token econ okdaka; unkan hunku kin ake hen ye kte šni waste keya. Tka iye winyan Jesus sdonye šni kin he nina onšikida. Hecen ake ekta i qa eciye cigon ake iyecen eciya. Unkan winyan kin ake nina šinkda, qa wicincana ti kin etanhan tankan iyayeya. Qeyaš iyohakam iciyamni ekta i, qa Wakantanka oyagši kin ake winyan kin eciya. "Niye Jesus sdonye šni: Miye He sdonwaya, qa dehan den ceciyaye kta," ce, eya. Wicincana kin wanna ohiya. Winyan he cante kin škan aya, qa Jesus wicada. Hehantanhan tipi wakan qa winyan Wowapi Wakan onspeiciyapi kta on mniciyapi kin en i ša.

Wicincana kin de hunku tohinni taku on cante šica. Ohinyan qa heya: "Nina cante mašica, iyotaniyewakiya; maša unkanš waste kta," eya. Cuwintku cistinna he nalion qa hunku heciya: "Ina, Jesus tanyan sdonyaye šni. Sdonyaya unkanš Iye wacinyaye ca hecen ehe kte šni tka. Miye ceciyaye kta," ce, eya ca wancaknaqa kun cankpeška makakde inajin qa hunku on wocekiye eya.

Wicincana kin he winyan nonpa Jesus en awicahi. Qa hena yamni etanhan ota Wotanin Waste kin nahonpi qa wicadapi.

Tuwenan Japan ekta oyate kin Wakantanka qa Iye towaštédake on owicakiyake kta yešipi šni unkanš wicincana kin he qa winyan nonpa hena tohinni Christ eciyatanhan nahonpi kte šni tka.

April Wi Wowapi Wakan Oekde.

Tona Itancan caje kin hoyekiyapi kinhan hena ototyohi nipi kta.

Tuka tuwe kin wacinyanpi šni kinhan token on he hoyekiyapi kta he; qa he nahalcin nahonpi šni kinhan token wacinyanpi kta he; qa tuwenan oyake šni kinhan token nahonpi kta he.

Qa ekta yewicašipi šni kinhan token oyakapi kta he. Romans 10:13, 14, 15.

Tona winyan omnicieye opapi kin owasin oekde kin de onspeiciyapi kta nina wacin. Nakun hekta March wi cipi qon he akiktonjapi šni. Tohan mniciciyapi eca nopin ehapi kinhan hena tanyan onnispepi kta, heced tohinni eyektonjapi kte šni.

Nitakuye,  
Mrs. Burt.

Anpao kin:

Ito wowapi eicu kta qa woiwange kin he toketu kecanmi kin he yaotanin ciši kte. Wocekiye opapi qeya bloke cokaya-eca woškata opapi na ituhanpi naiš hecen wayatkanpi na itomniyi hena tohinni Jesus on-

speunkiyapi šni. Tuwa wocekiye opa qa hecen econ un kinhan tohinni Wakantanka ti kin wanyake kte šni qa wicani owihanke wanica kin eca iyowaja šni. Ecia hena wicohan kin Wakansi-eca tawicohan, qa wocekiye opapi ota hececapi, wacipi qa ituhanpi, mini wakan yatkanpi, qa taku šica econpi qa wacakizapi, taku tona Wakantanka econ šni wicaši kin hena ee nina econpi. Unkan ito, tona wanna wocekiye opapi qon hena owicohan kin tanyan okalnigapi qa econpi kta iyececa. Jesus wicadapi kin hena token econunšipi kin he Jesus onspeunkiyapi. Wakansi-eca tawicohan wanjina econqonpi kte šni, tuka ohinni wocekiye eyapi qa wowapi wakan kin wayakapi kta qa ohinni tanyan awaniglakapi kta qa taku wawiyutanye kin hena itehanyan igluhapi; qa ohinni waste qa wacantikiyapi, qa tohinni tawacin šicapi kte, wawakipajinpi qa wawapi kte šni, wacipi kte šni, ituhanpi kte šni, wayatkanpi kte šni qa ituwicakihanpi kin yuhapi kte šni; qa tuwe mini awicakastanpi eša token iciconzapi qon he ecen econpi šni qa en ewacin šni qa ecinšnišni ohanyanpi, qa ho tokša wanna le miniamakastanpi qa hecen wanna wani kta eyapi ece, tka tuwa miniakastanpi qa ecen igluhe šni kinhan tohinni nagi kin nipi kta okihipi šni. Ho, eya wanna tona wocekiye opapi kin hena Dakota wicohan wanjina econpi kte šni iyececa Wakantanka tawoope kin yutakunnišniyan kuwapi iye-cetu šni, tuka tanyan ablezapi qa tanyan econ wacipi kte. Ho henala epin Tona de wankapi oyasin napeciyuzapi lo.

Ben. Swift Bear.

Morton, Minn. etanhan.

Anpao kin:

Ito dehan woakipa waji unakipapi qa heon ohdake kta wacin. Hekta Aug. 8 he ehan ina elipeunyanpi qa awicakehan tehike undapi eša iye eš heci wocante šica wanica ekta iyaye qa awicakehan Taku wakan wicada tani te kte cin sdonkiya eša ikape šni qa ohinni wocekiye eya yanke qa ohni wahokonunkiyapi qa taku on waktaunyanpi kin he nina econunšipi. Unkan micinca yamni elpeciyapi kta tka wanna oyasin nitankapi heon cante šice šni toki bde kte cin inawahni ce eye. Unkan woakipa de awakipa icunhan wowapi wakan de ohni weksuya ece, Johanes wicowoyake aketopa qa oehde tokaheya, "ihnuhan cante nišicapi kinhan, Wakantanka wicayadapi qa misnakun wicadamayadapi" eye cin. Heon mitawacin wamašake secece, hecen tehiya waunkipapi eša, icunhan winyan omnicieye den unpi kin taku cante unšicapi qa unceyapi kin is eya iyecen cante šicapi qa ceyapi qa wowaste owasin ecaunkiconpi; tuka Wakantanka wicadapi kin cantepe kin en sutaya wicadapi ecanmi. Ina te cin he caje de, Jane Chambers-Pahonni wan, waniyetu wikcemna šakpe sanpa topa. Tona Ska on oyapapi owasin mitakuyepi wocekiye on unkišsuya miye.

Lucy Taopi.

## WOTANIN IKCEKA.

Cuba ekta can owe toktokeca yukan. Hena hunā can suksuta na on canblaska nains takuku timahel hin kta heca kaḡapi waštešte. Hekta tuweni tanyan ekta etonwan šni kin on oħaukoya otuyacin yusol ayapi tka. Hena oyate towijica kin onšpa tanka ee, tka oyate slolkiyapi šni se takušnikiyapi. Lehanl ablezapi yunkan tokel kpatanpi kta kuwa ayapi. Canoju tankinkinyan, tinskoya oyate ataya tawapi kinhan, hena awanwicakiciyakapi kta ca waawanyake šakpe wicakagapi kta cinpi na Gen. Wood on icekiyapi. Waawanyake iyohi wi akenonpa on \$2,000 wokajuju qupi kta keyapi. Hecel hekta takušnikiyapi wan he tokatakiya tanyan gluhapi kta on waniyetu iyohi \$12,000 aglusotapi kta. Woonspe wašte unqupi.

Anpetuwi iyoyanpa kin he mini mahel iyaya yeša tehan mahel iyayin kta okihi šni. Hecel wicaša on mini mahel tehan iyayapi kta opiye ičicaḡapi kta okihipi na ehantanhan waniyetu ota econpi sa qeyaš ceteta ihunhipi kinhan takuni tanyan wanyakapi kta okihipi šni tka qon. Pelijanjan ikceka yuha yapi kinhan mini oħlateya ile kte šni, nains on ile kta tate qupi yeša otankaya iyojanjan kta okihi šni. Hececa lakaš mini oħlateya takuku ole ipi cannahanšna teliya wowaši econpi ececa. Electric pelijanjan hecela taku kin le on wašte na mini mahel tanyan iyojanjan. Hekta unma cikicqala kin, incandescent eciyapi kin, heca ece unpi kta okihipi; tka lecala koškalaka nonpa heca on tanyan onspeiçiciyapi na tokel electric pelijanjan unma tankinkinyan kin, Arc pelijanjan eciyapi kin, hena koya mini oħlateya itokecašni iyojanjanpi kta iyeyapi. New York ikiyela miniwancata wanji on iyuteya econpi yunkan pelijanjan ska heca 2,000 kipiya iyojanjan kta wowašake yuha yeša lila tanyan keyapi.

New York otowwe ekta zuzeca wan siha iyutapi 22 hehankeca yuhapi. He zuzeca owe wanji python ewicakiciyapi heca. Fatima eciyapi. Owe kin he waniyetu iyohi ha glušlokapi sa, tka Fatima wanna ha glušlokin kta iyekicihantu yeša econ kapin selececa. Ha glušlokapi šni kinhan tapi sa slolyapi kin on wicaša yamni okiyapi yunkan ha tanike cin he yuhel elpekiçiyapi. Ataya elpeyapi kinhan zuzeca lila wiyuškin na ha teca wanna tanyan ičaga canke lila wiyakpakpa na owanyag wašte keyapi.

Pine Ridge Agency ekta, Oglala Boarding School hel March wi ehanl šni eya wotanin wowapi kałi ayapi. "Oglala Light" eciyapi na

wi iyohi nonpa kaḡapi kta yuštampi.

Dr. C. E. McChesney, Rosebud ateyapi kin, he ake hecena ateyapi kta wicaša waštešte ota cinpi. Tehan Lakota ob un na wicaša ksapa na wašte. Tawacin oħanko heca šni, nains išnala ičicuwa un heca šni. Wiyukcan wayupiķa na tokel on Sicangu oyate kin owotannayan wicakuwapi kta na oħankoya oiçihipi kta hena oyašin iwicakicigni un. Ake waniyetu topa on ateyapi wicoħan kin econsiçi kta he Tunkansilayapi Iyokihe he na Com. Indian Affairs nakun nopin iyokipipi na hececin kta Tunkansilayapi icekiyapi. Rosebud ikiyela politicians unpi kin wanjigji Dr. McChesney taku šica wanjina iyaonpapi kta okihipi šni yeša takomni otuyacin elpeyapi kta cinpi na tokel okihika Wakiya Wicaša Tomniciye tanka kin el wokipajin kicicaḡapi kta iteka.

Lehanl Wakiya Wicaša Tomniciye kin ekta Ikcewicaša on Committee wicakaliniḡapi kin lena eepi. Omniciye Wankantuya tawapi: Mr. Thurston, chairman, Messrs. Platt, Shoup, Steward, Nelson, Baker, Quarles, McCumber, Kyle, Morgan, Jones, Pettigrew, Rawlins, McLaurin nahan Mr. Clark.

Omniciye hukultanhan tawapi: Messrs. Sherman, Curtis, Eddy, Stewart, Lacy, Gamble, Sheldon, Gill, Little, Stephens, Zenor, Wilson, Thayer, Fitzgerald, Dougherty nahan Mr. Flynn.

Omaka 1778 he ehanl United States toka wolakota wan Ikceoyate wanji ob kaḡpi na itahena heca lila ota yuštampi. Hena iyuha ĩcin wowapi wanjila el kaḡapi kta ca Com. Indian Affairs Wakiya Wicaša Tomniciye icewicakiya.

Crow Creek Agency ekta ateyapi kin, J. H. Stephens he elpeyapi naunħonpi šni, tka šicaya oħan iyaonpapi na Com. Indian Affairs ti kin ekta aiyapi na wiaonpapi kin hena yuwicakapi oyakapi.

Feb. 3 ehanl Indian Appropriation Bill Wakiya Wicaša Tomniciye hukultanhan kin el yuštampi. Omaka 1900-1 icunhan Ikcewicaša oyasin awicayusotapi kta \$7,328,000 henakeca kta yuštampi. Hekta omaka qon he isanm iyeya \$172,000 awicayusotapi.

Dawes Commission nahankeca Indian Territory ekta škanpi. Territory kin he oħankoya State ičagin kta kuwapi. Le omaka kin heon \$300,000 yusotapi kta yuštampi. Letanhan waniyetu zaptan wahehanl kigleḡapi kta kecinpi.

Wayawawicakiciyapi Tunkansilayapi tawa ĩce šni kin heca letanhan tokatakiya Ikcewicaša

tamazaska on owicakiciyapi kte šni yuštampi. Wanna waniyetu tona Šina Sapa išnala hecel owicakiciyapi, canke išnala woyuštan kin he on teli waakipapi.

Hampton Institute he Tunkansilayapi tawa ĩce šni nahan nakun Okolakiciye tuweni tawa šni hecel he Ikcewicaša tamazaska on okiyapi kta iyececa nains iyececa šni hecinhan tehan iwoglakapi, yunkan oħanketa \$20,000 on okiyapi kta yuštampi. Hecel he hecena inyinkin kta iteka.

Kulwicaša owakpamni ekta Tipi Wakan wašte ptinhan hulnaḡe ciqon he piya kaḡapi kta on koħan mazaska mnayanpi yunkan lecala yuštampi kta oyakapi.

General Lawton, Philippine wita ekta akicita itancan okinihanpi ĩca wanji, hekta Dec. 19, ehanl okicize el ktepi. Tancan kin United States ekta aglipi na ĩapi kin ekta Tunkansilayapi na wicaša okinihan ota opapi. He ktepi qon ehanl Lakota Ieska cinca wanji William Colombe eciyapi, akicita ikceka heca, ikiyela toka wicakute najin. Gen. Lawton tancan kin icupi na kicizapi kin etanhan tokanl ayapi kin el owicakiya keya oglaka.

Saḡlaša oyate Hasapa makoce ekta Boers ob kicizapi yunkan wanna wi ota kicizapi yeša Boers išnala ohinni woohiye tawapi. Hecetuwanjica Saḡlaša akicita oħota wicaktepi na okaptapi kin napewicayapi nains wayaka wicayuzapi ececa. Saḡlaša akicita tohinni takuni okihipi kte šni selececa, yunkan unguhanla woohiye tanka ičicaḡapi. Feb. 27 ehanl Gen. Roberts Boers 4,000 wahecetu wayaka iwicacu.

Wašicun otowwe wanjigji ekta wowasukiye ičicaḡapi kin wanji wakanheja hanhepi can otowwe canku ognagna škatapi nains išnala tokiya yapi anaptapi kta on kaḡapi. Wicokaya sanpa mazaškanškan šaḡloḡan nains napciyunka apa hehanšna mazaħlahla tanka kaħlapi na heconpi kinhan wakanheja oyasin timahel kiglapı kta wasuyapi. Kaħlapi oħakab wakanheja tona tankal unpi nains išnala tokiya yapi wanwicayakapi kin owicayusapi. Tuktel heconpi kinhan, wicoħan šica na wicowicašašni wakanheja econpi sa kin heca ota anaptapi keyapi, na wowasukiye kin he tanyan yuhapi kinhan wakanheja sanpa tanyan unpi na wicaša na winyan waštešte ičagaḡapi kta owicakiye iyukanpi.

Philippine wita kin el wokicize kin on United States akicita kin ohiyewicaye keyapi. qeyaš naharei Filipino akicita škanpi na enakiyapi kta cinpi šni.

China makoce kin ekta woškiške yukan ee eyapi. China oyate kin lila wicotapi, na heon Russia, Germany, France, England na United States oyatepi kin taku tona hol wiyopeya ahipi kta cinpi na on wokanna tanyan kecinpi. Yunkan oyate zaptan iwankab cajeyatapi etanhan topa tokaheya

kin he China makoce onšpašpa olotapi na hetanhan takuku wiyopeyapi. Eya olotapi keyapi eša owekiniš hecetuwanjica tawayapi kte seca. Lakaš China oyate wanna tawacin akipam unpi, hunl hecetuwikilapi, na hunl tokantanhan hipi iyuha ĩabwicayapi kta iyecetulapi, na heon woškiške. Yunkan taku econpi kta oyate kokipapi kin on oyate zaptan kin hetanhan ozuye wita wata tawapi ekta yewicašipi.

Ptayetū kinhan ake United States oyate kin tuwa Tunkansilayapi kte cin he on caje iyohipeyapi kta. Iyunkan Republican owe kin he Mr. McKinley akta kalniḡapi kta, Na Democrat owe ake W. J. Bryan kalniḡapi kta iyukanpi. Hececa kte lakaš Mr. Bryan ĩla omani na otowwe iyaza oyate himniciyapi na iye wowicakiyaka. Iyunkan lecala Paha Sapa otowwewe kin el hecon. Lehan Republican na Democrat owepi kin taku akiniçipi. Spaniola ob kicizapi qon na makoce ohiyapi kin he Republican heceḡla gluhapi kta na oyate toka awaniglakapi okihipi ca tawaiçiyapi kta keyapi. Democrat kin iš ĩya makoce kin tawaunyanpi kta iyececa šni, tka wancagna oyatepi kin tawaiçiyapi kta iyecetu keyapi. Toketu kacel!

He! he! he! Minnesota obašpe kin el wotehi tanka akipapi. Hekta March 2nd he ehan Bishop Gilbert eciyapi kin ignuhayela ĩce te. Itokab wiyohiyapanpa omani na tuktelkel wahokonwicakiye icunhan holpa hingle na tiyata gli kin heceḡla holpapi kin cagu el natakahe na on te. Bishop kin he ĩla bliheca na wicoħan tawa kin on tohinni ikpatan šni. Bishop kin le wicaša ota yuonhanpi na te qon ĩla ištaminigaga ota.

North Dakota obašpe kin el Fargo otowwe ekta Tipi Wakan wan teca wašte kaḡapi he lecala yuwakanpi.

Africa ekta makopašpe wan "Congo Free State" eciyapi el oitancanpi kin tax womnaye kin mnayanpi kta e Hasapa heconwicaciçi. Iyunkan mnayanpi icunhan takuni oħolapi šni na Christian oħakab wicaktepi na otowwewona ihangyapi na šicaya oħanjanpi keyapi.

Tunkansila wakiya tawa Congress-Okolakiciye owayawa kin on mazaska kalniḡapi šni kin on, Philadelphia el Šina sapa Bishop (Archbishop Ryan) kin he iyokipi šni ca oglaka. Qeyaš kalniḡapi šni kin he hecetu.

Lecala Gambier, Ohio, ekta Okolakiciye Wakan etanhan koškalaka owayawa opapi kin omniciye econpi na wicoħan wakan kin ableskiciyapi na tokel iyoptekiyaçi. Icinhan Bishop wanjikji el unpi na wahokonwicakiciyapi. Bishop, Gilbert, Minnesota etanhan hel hi na wayupiya takuku ewicakiye.

Tokata omniciye econpi kte cinhan he Philadelphia, Pa., el Wicaša Wakan Owayawa yanke cin ekta econpi kta gluštampi.